



A lokisetse Morena Sechaba se phethehileng. (Luka 1:17)

Tel: 28 350 466/ 62600983 (WhatsApp)

MOELETSI OA BASOTHO

PARARE DOMINO PLEBEM PERFECTAM

**Ha se hlomole
'muso**

2

**LNDC e
maphemphe**

5



LE TSONA LI TLA LEFA

**Access Our Books on Akello Library!**Explore a wide range of our books anytime, anywhere.
Visit Akello Library today and start reading!

#ReadAnywhere #AkelloLibrary #ExploreMore

<https://library.akello.co/downloads>**Follow the link**

bookcentre@mazenodprinting.co.ls

Need guidance? Call/ / WhatsApp: 27 350562 / +266 57396597

MOELETSI

M50.00 ka khoeli?

Bokamoso ba Naha ea Lesotho bo shebahala bo le lerotho hobane moloko ona o mocha o tobane le liqholotso tseo o sitoang ho li hlola ka lebaka la maemo a renang. Ntlha e ka sehlohong eo e leng sesosa sa bolutu bona kahar'a bacha ke tlhokahalo ea mesebetsi. Ba qetella ba inehetse linthong tse thunthetsang le ho ranthanya bokamoso ba bona hobane ba leka ho baleha khatello ea maikutlo. Moloko ona o balehela lithetefatsing e le ho leka ho thetufatsa kelello, ho lebala ka maemo ha nakoana. Le hoja hoo ho se molemo hobane ha motho a hlaphehelo, mathata a imenahantse habeli kapa hararo.

Morao tjena palo ea bacha ba ipoleang ka lebaka la khatello ea maikutlo e ntse e nyoloha letsatsi le letsatsi. Bahlabolli ba bontša ha sena se bakoa ke maemo hape batsoali le bona ba kenya letsoho, kaha ba ba le litebello tseo bana ba bona ba sitoang ho li phethahatsa hobane ba hloka mesebetsi. Ho feta moo karolo e itseng ea banna le eona e shebahala e ipolaea hobane monna ke hlooho ea lelapa ka hoo ho lebeletsoe hore a tlise lijo ka lapeng. Litsebi li ipiletsa ho batsoali ho khaotsa ho beha bana tlasa khatello le ho tšehetsa bohle ba sebelisang lithetefatsi; ho ba fa lerato le tlhokomelo kaha likelello tsa bona li ba neha hore ha ba sa ratao.

Bophelo ba kelello bo bohlokoa haholo e ka ba mothong e mocha kapa e moholo, ka hoo Basotho ha re hlokomeleng tsela eo re tšoarang batho ba bang ka eona. Taba ena ea banna ba ipolaeang e ka 'na eaba e ipakeloa feela ke polelo e mona ea Sesotho e reng: "Monna ke nku h'a lle." Banna ba heso linako li fetohile, seo ha se sa sebetsa ho hang; atamelang litsebi kapa banna ba habo lona ho lokisa litaba etsoe banna ba tentšana tšea. Ka lebaka la meetlo le litloaello e hlile ho tla ba thata empa hoa hloka haholo ho qoba litaba tsena tse seng monate. Re se re kopa ho 'muso ho fana ka bahlabolli haholo bacha bane ba qetang ho phetheha lithuto tsa bona haufinyane. E ntse e le karolo ea ho loantš'a tlhokahalo ea mesebetsi le ho fokotsa sekahla sa lipolao bacheng bao ba tl'o lula feela hae. Ba mpe ba tl'o hlabolla thaka tsa bona 'moho le banna ba imetsoeng ke moralo oa ho jara boikarabello ba malapa.

Koporasi ea Ntšetsopele ea Lesotho (LNDC) e hlahile kapel'a Komiti ea Paramente e litsitseng Tšebeliso ea Lichelete tsa Sechaba (PAC) moo ho shebahalang koporasi e khenathetse le ho sitoa ho araba tse ling tsa lipotso mabapi le limillione tseo e li sebelisitseng. PAC tulong ea eona moo e neng e hora-hora koporasi ka lipotso e bontšitse ha sekheo sa Motlatsi oa Libuka se tlatsitsoe ka tsela e hlokanang ponatsetso. Motho ea behiloeng moo o hloka litsebo tseo LNDC e li hlokanang sebakeng sa maemo a joalo, ntle le moo motho ea tšoanang ho bonahala a e-na le likamano le Mongoli e Moholo oa Lekala la Khoebos.

Ho feta mona, nakong eo PAC e ntseng e potoloha ho hlahloba meaho ea koporasi e fumane hore ho na le meleta e hiriselitsoeng meaho 'me e itefela feela M50.00 ka khoeli. Ke hore Lesotho mona melata e iphelela bophelo bo monate hoo, ke tjena ba lulang ba sotla Basotho. Bana babo naha ba lutse lejoe le motsu ekare bajaki; molao ho tsejoe hore o lokela ho sebetsa ha o tobile Basotho feela. Ke 'nete naha e hloka melata molemong oa botseteleli, empa ho na le melao e tsamaisang botseteli 'me e sireletsa baahi 'moho le eona melata. Lesotho ha le na eona? Ha ho ke ho shejoe ka leihlo le leng kannete, ena eona e tl'o senya seriti sa Lesotho machabeng.

Mokhatlo oa Tokiso ea Litsela Hloahloeng e ka Boroa ho Afrika o ile oa lula fatše ho tšetšetha maoa a ho thusa ho etsa litsela li tla itšireletsa khahlanong le phetoho ea maemo a leholimo. O bontša ha maemo a leholimo a ba tapa-tapisana e le 'ngoe; kaha ho na le lipula tse matla tse hoholang mebila kapa marokho. Hape le ho shebisana hore na likoloi tsa motlakase li ka lefa lekhetho joang kaha li sebelisa litsela joaloka tsa mafura. O boetse o entse boipiletso ho sechaba ho se ahe haufi le litsela hobane seo se sitisa ntlafatso ea litsela. Litaba tsena tsohle li tšohlue ketekolong ea lilemo tse 30 mokhatlo o thehilo.

MOLIMO A BOLOKE LESOTHO LE BASOTHO

Ha se hlomole

'muso-Mokhothu

Nthabeleng Seitlheko

Muso oa Lesotho o bonahala o mometse ka tšoarao e mpe ea Basotho Naheng ea Afrika Boroa, ha boholo ba sechaba se phela kahar'a mathata a tla le tlhokahalo ea mesebetsi. Litaba tsena li hlaheletse sebokeng sa Lekhotla la Puso ea Sechaba (DC) sa boithathobos, ka la 10 Mphalane monongoa.

H'a bua 'mokeng ona, Moetapele oa DC Mathibeli

Mokhothu o itse ba lokela ho fana ka maoa a thusang kholisong ea moruo le ho fana ka litlaleho ba shebile bophethahatsi, boitšepo, boitebalo, lerato la naha le ho hlomphe sechaba le Molao oa Motheo.

O re ba lokela ho sebetsa ka thata ho loanela khotso, kholo, boitjaro ba sechaba metseng le kopano ea sona. O re tsena ke litšia tseo litho tsa lekhotla li lokelang ho tsebahala ka tsona. A bontša hore bohle ba lokela ho icheba hore

na ba feela ba matlafatsa kholo ea lekhotla; hore na ba sebeletsa kholo kapa ho tseka litulo. Ke nakong ea boitokisetso ba likhetho tse akaretsang moo ho bonahalang batho ba tseka litulo hobane ho batla ho ba bakhothaletsua empa ba sa ntlafatse kholo ea lekhotla.

A supa hore litho tsa habo li lokela ho sebeletsa kholo 'me a li kopa ho lebala, ba itlhlahloba le ho sebeletsa ho bona hore DC e be topollo ea Basotho pusong. O re nako li'a khutsufala, lerole le tla qoba, o tšaba liboko tsa Basotho kaha ba le tlokotsing. "Sechaba se phelisoa ka litšepiso tse sa phethahaleng." Ke Mokhothu eo.

O re seo ba se hlokanang ke



57396597
28 350 815

28 350 466
lesaoanat@gmail.com

Malebela

Scan me

U se u ka fumana buka ea Malebela ho marang-rang a boletsoeng ka tlase kapa oa sebelisa code e kaholimo.

"Get the Akello app on Play Store, App Store, or Huawei App Gallery for Mazenod books and more. Download now!"

<https://library.akello.co/downloads>

akello

hore Lesotho le buseletsoe, le fuoe naha e lipakeng tsa Natala le Eastern Cape ho ea kena leoatleng.

O itse ho bohlokoa ho tlhela lipolotiki tsa likarohano ba tle ho tsa boitjaro, hape 'Muso oa Lesotho o lokolle Dr. Lipholo chankaneng le ho nyahlatsa liqoso khahlanong le eena hobane le ha eba a e ntse liphoso o ne a tšoare taba e kholo. O re eo o ne a lokela ho khalengoa eseng a hlahleloe chankaneng hobane ha se litaba tsohle tse ka rarolloa ka ho tšoara batho.

O re RFP ha e re letho ka puso ea molao joaloka likarolo tsa Makhotla, kaha ba tima Basotho menyetla ea ho etsa mehoanto le ho amoha paramente matla a ho aba lichelete kaha ba ipha eona. A phethela ka hore ke nako ea hore Basotho ba imamelle hobane seboko sa bona ha se hlomole 'muso.

Contacts: +266 28350 466

62600983 WhatsApp

Email: newsroom@moeletsiabasotho.co.ls

Sales and Marketing: (+266) 28 350 466/ 57396597 (WhatsApp)

MOELETSI oa BASOTHO

Editorial

Lesetsa Rakubutu

(+266) 6203 1949 / 58190670

EMAIL: editor@moeletsiabasotho.co.ls

Mohale Lehlohonolo (Sub-editor)

(+266) 58 771 507 / 62 771 507

Journalists

Nthabeleng Seitlheko

57 665 038/ 68 216 271

Tšeliso Thakholi

58 540 853/ 63 480 404

Production Desk: 'Mateele Liqa

Bahlanka ba thakeloa ka malebela



Nthabeleng Seithleko

Lekala la Bosebeletsi ba Sechaba ka kopanelo le Mokhatlo oa Linaha tsa Afrika (AU) o tšoaretse bahlanka koetliso e reretsoeng ho thakela bahlanka ba 'muso ka malebela a tšebeliso ea tokomane ea boithlahlobo ea linaha tsa Afrika tse tekenetseng tumellano ea tsamaiso e nepahetseng bosebeletsing ba sechaba. Litaba tsena li bile ka la 14 Mphalane monongoaha.

Letona la Bosebeletsi ba Sechaba, Mohlomphehi Mputi Mputi o bontšitse hore 'Muso oa Lesotho o ikemiselitse ho fana ka litšebeliso tse nepehatseng sechabeng, tse nang le ponaleto, boikarabello le ho arabela litlhoko tsa sechaba ke ka hoo naha e ileng ea tekanela tumellano ena ea AU ka molao ka selemo sa 2023.

O hlalositse hore sepheo sa mantlha sa tokomane ena ke ho matlafatsa boitsoaro le boitšepo har'a basebeletsi ba sechaba, e le hore ba

nolofalloe ke ho fetisetša litšebeliso sechabeng ka boitelo le mokhoa o nepahetseng.

A leboha mafapha ohle a kentseng letsoho katlehisong ea morero ona, ka ho khetholoha Mokhatlo oa Linaha tsa Afrika ka mohato ona o reretsoeng ho akofisa phano ea litšebeliso linaheng tsa Afrika.

A khothaletsa bahlanka ho fetola maikutlo le menahano ea bona e le hore liketso tsa bona li be le tšusumetso e ntle ho sechaba seo ba se beletsang.

Moemeli oa Mokhatlo oa Linaha tsa Afrika, Monghali Issaka Garba Abdou o bontšitse hore e meng ea maano a mokhatlo ona ke ho thusa linaha tse ngolisitsoeng ho netefatsa hore melao le melaoana ea tumellano ena e phethahatsoa ka katleho, ho arabela litlhoko tsa baahi, ke hoo o koetlisang bahlanka khafetsa ho ba hopotsa boikarabello ba bona. O tsoetsepele hore Lesotho ke naha ea botšelela linaheng tse seng li fumane koetliso ena le latela Zambia, Namibia, Afrika Boroa le Tanzania har'a tse ling.

A re tebello ke hore

kamor'a koetliso ena, Lekala la Bosebeletsi ba Sechaba le bahlanka ba fumaneng thupelo ena ba fetisetse litsebo ho bahlanka bohle makaleng ka ho fapakana, esita le ho fana ka tlaleho mokhatlong ona mabapi le likatleho tse fihletsoeng. O

lebohile AU ka ho ananela koetliso ena 'me a tšepisa hore e tla lula e tšehetsa 'muso ntlafatsong ea bosebeletsi bo nepehatseng.

E mong oa bahlanka ba fumaneng koetliso, 'Mamakhwa Molapo o bontšitse hore le hoja e le hona

ba leng qalong ea koetliso ena, ba se ba khotse tse molemo haholo ho tsoa ho eona, 'me ba na le tumelo e feletseng ea hore pheletso ea eona e tla akofisa litsebo tseo ba nang le tsona phanong ea litšebeliso tse tsoileng matsoho tsa sechabeng.



MOELETSI O TŠEHETSA BACHA

Tšeliso Thakholi

Mo f u m a h a l i Thabang Let-sie ke mothehi oa khoebo e nyenyane e ntseng e hola e bitsoang Her Dynasty, e ipabotseng ka boqapi bo ikhethang ba ho etsa lipalesa tse ntle ka mefuta eohle ea tsona tsa maiketsetso(-Faux Bounquets) ka ho sebelisa lipampiri. Har'a e meng ea mefuta e metle ea lipalesa tseo e li etsang li kenyeletsa tsa matsatsi a tsoalo, manyalo le liket-sahalo tse ling tse khethe-hileng.

Khoebo ena eo e leng ea pele ea mofuta oa eona e sa le ncha haholo kaha e the-hiloe ka la 9 Phupu 2025, kamar'a hore a phethele lithuto tsa hae tsa Marketing Management Sekolong sa Lithuto tsa Mahlale le Mesebetsi ea Matsoho sa Lerotholi Polytechnic. Le hoja a ile a qala pele ka ho etsa Entrepreneurship e le Module.

QALEHO EA KHOEBO

Hantle kholong ea ka, ke ne ke se na moea oa lerato la khoebo; khoebo e ne e se ntho eo ke neng ke naha-na hore nka ba le eona ho hang, empa ho ba ke qete sekolong ka utloa ke eba le lerato la hore nke ke iqapele mofuta o itseng oa khoebo o sa tsoaneng le tse ling. Ka qala ka etsa boithuto ba hore na ke mofuta ofe oa khoebo eo nka e tsang e ikhethang e sa tsoaneng le tsa ba bang. Ka qala khoe-bo ena ea Her Dynasty e etsang lipalesa tse ntle ka lipampiri.

Ke ha ke tla qala ho ba le lerato le ntho e bitsoang khoebo kaha Her Dynasty e nketselitse lintho tse kholo



bophelong ba ka. Khoebo ena e fetotse bophelo ba ka le ba lelapa la ka haholo hoo leha ho ka thoe ke khethe lipakeng tsa mosebetsi oa ka le eona nka khetha eona. Her Dynasty ke hona moo lerato la ka le fellang teng.

TŠEBETSO

Ke khoebo e ikhethang e sa tsoaneng le tse ling kaha e sebetse ka botlalo ka marang-rang. Leha ke ithutile mosebetsi oo ke o etsang sekolong, empa bo-holo ba lintho tse ngata ha se tseo ke li rutiloeng, ke ithutile tsona ka tšebeliso ea marang-rang le ka lera-to le leholo la bonono le ho rata khoebo ea mofuta ona. Ka thoko ho mosebetsi ona

oo re o etsang, re boetse re thusa bacha le batho bohle ba ratang ho ba bahoebi ka ho ngolisa likhoebo le lito-

hore letsatsi la mekete ea batho ka ho fapakana e be monate le ho ba e kheth-ehileng, re boetse re etsa

malebela a ho qala khoebo. Re atlehile ho fumana bare-ki ba ka linako tsohle ka tše-beliso ea marang-rang. Ra boela ra atleha ho ngolisa ka molao kampani ea rona. Her Dynasty haesale lerato feela la khoebo empa la ho thusa bacha ho fetola boph-elo ba bona kaha le 'na e fetotse bophelo ba lelapa la ka.

LIQHOLOTSO

Liqholotso tse teng ke hore hajoale ke sa ntse ke sebetse ke le mong kaha e sa ntse e le khoebo e ntseng e hola, 'me ho boima ha-holo kaha lintho tsohle li mahetleng a ka. Ke 'na ea tlamehang ho fumanela khoebo 'maraka le ho etsa lihlahisoa. Hape phephetso e 'ngoe ke khaello ea thepa eo re e sebelisang kaha lintho tse hlokalahalang ha li fumanehe habobebe.

TORO

Ke lakatsa ho bona Her Dynasty e le lebenkele le leholo le hlahisang lipalesa tse ka fepelang naha ka bophara le litlhoko tsohle "the one-stop florist shop."

KELETSO HO BACHA

Ke khotaletsa bacha ba Basotho hore ba se ke ba tšaba ho qala likhoebo tsa bona tse fapakaneng ho-bane ba ka qala le ka che-lete e nyenyane kapa ntle



komane tsa bona, ho ngola li-CV, ho etsa li-profile tsa likhoebo, lifaele tsa likam-phani, li-tender le ho thusa ho etsa mangolo a likopo tsa mesebetsi.

LIHLAHISOA

Joalokaha ke boletse hore boholo ba lintho tse ling ke tseo ke iqapetseng le ho ithuta tsona ka tšebeliso ea marang-rang, ka thoko le ho etsa lipalesa tse ntle ka mefuta ea tsona tse etsang

litšoantšo tse makhethe ha-holo tsa li-decor, wallpapers le mesebetsi e meng ea bo-qapi e ka etsetsoang batho ka bo-mong.

THUPELO LE LIKATLEHO

Khoebo ena e boetse e itlil'o ikhetholla ka ho qala sekolo seo e tlil'o rupela bacha le batho ba baholo ka ho etsa lipalesa tsa maiketsetso le ho ba thusa ho fumana thepa le ho ba hlalella ka

le chelete, ho ipapisitsoe le mofuta oa khoebo eo ba e etsang. Molaetsa oa rona o bonolo ho bacha ba habo rona, ke hore qalang ka seo le nang le sona ka ho sebe-lisa litsebo tseo le nang le tsona le tsa marang-rang, le tla bona le tla atleha. Ha feela le sebelisa ma-rang-rang ka nepo ke hona moo katleho ea lona e tlang ho ba hona teng.



LNDC e maphemphe

Nthabeleng Seitlheko

Komiti ea Paramente Lisitseng Tšebeliso ea Lichelete tsa Sechaba (PAC) e laetse Koporasi ea Ntšetsopele ea Lesotho (LNDC) ho tlatša bocha likheo tsa mesebetsi tseo ho bileng le liphoso ho tlatsoeng ha tsona. Tsena li etsahetse tulong ea Komiti ka la 13 Mphalane Monongoaha.

Litaba tsena li latela hore ho hlalelle hore LNDC kamor'a e hlocomele hore ho bile le ho hloka ponaletso khirong ea tse ling tsa lifisiri tsa eona.

Molula-Setulo oa PAC, 'Machabana Lemphane Letsie o hlalositse hore ke taba e sa hlakeng hore na sekheo sa Mohlahlobi oa Libuka se tlatsoe ho ipapisitsoe le'ng. A re LNDC ha e'a latela methati e nepahetseng ka ho tlatsoa ha sekheo sena, se tlatsoeng ka 'Mapaballo Tsekoa' eo ho fumanehileng hamorao hore o amana le Mongoli e Moholo oa Lekala la Khoebo, Palesa Tsekoa.

Letsie o re ofisiri eo h'a na mangolo a hlalositsoeng hore motho a be le 'ona ho tlatsoa sekheo seo, joaloka-ha papatso ea sekheo sa

mosebetsi e bontšitse. A re hape lintlha tseo papatso e li bontšitseng tseo LNDC e ba fileng tsona e fapakaneng le e hlalileng likoranteng, leha ho le joalo a supa hore tsena li sitisitse batho ba bangata ba se nang mosebetsi feela ba ntse ba lutse ho etsa likopo tsa mosebetsi oo le e meng.

O tiisitse hore tulong e fetileng ba ile ba bitsa eo Tsekoa ba mo botsa, 'me ha fumaneha a sa fihlele bohloko ba lipehelo tse boletsoeng papatsong.

A re e 'ngoe taba eo ba llang ka eona ke hore ofisiri e boletsoeng e ile ea sebetsoa Ofising ea Mohlahlobi e Moholo oa Libuka, 'me ea hlalloba libuka tsa LNDC, eaba kamor'a moo o se a hiroa e le Mohlahlobi oa Libuka koporasing eo ba neng ba ntse ba sebetsoa libuka tsa eona.

O tsoetsepele hore tse ling tseo ba leng seboko ka tsona ke maeto a eang linaheng tse ling ao ho se nang tlaleho ea hore na ho sebelisitsoe chelete e kae bakeng sa 'ona. A re tlalehong eo ba e fuoeng ha ho na lipalo ke moqoqo feela, empa cheleteng e M90 Million eo ba neng ba ralile hore ke ea maeto ba e fetisitse ka M45 million, hape ha ho hlake hore na maeto

a ne a nkuoe ke bo mang le hore na a tliselitse Lesotho molemo ofe.

A re ba ile ba nka leeto ho ea hlalloba thepa le meaho eo koporasi ena e nang le eona Ha Belo, Maseru West le setsing sa lifeme se ka seteisheneng, 'me ba fumane hore meaho eo e meng ea eona ho lefshoa M50.00 e le khiri ea khoeli le khoeli, 'me b'a ipotsa hore na ke molemo ofe oo koporasi e o unang ka meaho eo.

Molula-Setulo oa Boto ea LNDC, Palesa Tsekoa eo e leng Mongoli e Moholo Lekaleng la Khoebo o hlalositse hore o kene ofisiri

ing litaba tsa khiri ea ofisiri eo li se li le mothating o mong o holimo.

A re boto e ile ea hlalosa hore e se e entse qeto ea ho hloaea ofisiri e boletsoeng qalong hore ke eena ea hloailoeng ho tlatsoa sekheo seo, 'me eena o tiisitse hore o ne a sa mo tsebe.

O re Mongoli oa LNDC o ile a mo botsa hore na a ka re'ng ka taba ea hore lifane tsa bona li'a tsoana, 'me eena a re kaha o ne a sa mo tsebe h'a ka a ba le taba litabeng tseo.

Molula-Setulo oa Balula-Setulo Paramenteng, Mokhothu Makhwanyane o itse ba hloka likarabo tsa

'nete ho tsoa ho koporasi haholo-holo nakong ena e thata eo naha e leng maqakabetsing a moruo.

A re Naha ea Lesotho e tobane le bothata ba tlhokahalo ea mesebetsi, 'me LNDC ke eona eo 'muso o tšepetseng ho eona sebakeng sa botseteli le tlhahiso ea mesebetsi. A re ke ka hoo ba batlang ho fumana hore na maeto ao a nkilo ke bo mang, 'me a tliselitse Lesotho molemo ofe.

PAC e ile ea bontša hore LNDC e bonahala e hlotsoe ke mosebetsi, e sitoa ho laola thepa ea 'muso hantle kaha e hiriselitse melata meaho le litša, moo e lefang M50.00 ha eona e bokella ka holimo ho M200, 000.00 ha e sebelisa thepa eo ea Basotho.



Letona le ananela M92 Million



Nthabeleng Seitlheko

Letona la Temo, Kanetso ea Lijo le Phepo e Nepahetseng Mohlomphehi Thabo Mofosi o amohetse tšehetso ea M92 Million e fanoeng ke

Mokhatlo oa Lijo le Temo Lefatšeng (FAO) ho Naha ea Lesotho. Litaba tsena li bile ka la 10 Mphalane monongoaha.

'Mokeng o tšoaretsong tšehetso ena e ile ea tšepisa Lesotho ngoahola, e le ho tšehetsa Lenaneo le Khethehileng la Phetoho ea Mekhoa ea Lijo le Temo

(Agric food Systems Transformation Programme), le reretsoeng ho ntlafatsa polokeho ea lijo, ho theha mesebetsi le ho matlafatsa menyetla ea temo.

Mofosi o itse chelete ena e tla matlafatsa mananeo a lekala la habo a ho hlalisa lijo, mesebetsi le boiphihlelo ba temo ho Basotho. O

re tšehetso ena e tsoang ho FAO e fihla nakong eo ba ntseng ba matlafatsa boiteko ba ho fepa sechaba, ho theha mesebetsi le ho fana ka tsebo ea temo ea sejoale-joale.

A tsoelapele hore FAO e se e rometse litsebi tse ngata ho tla ruta le ho tataisa Basotho ho lokisetsa moreo ona, 'me joale nako eo ea bohlokoa e fihlile kaha lipuisano tsohle li se li fetohile ketso e bonahalang.

O totobalitse hore tšebeliso lipakeng tsa Lesotho le FAO e se e ntse e beha litholoana, 'me e bontša hore ha mebuso e sebetsoa 'moho tsoelo-pele e bobebbe. A re leeto la bona le FAO ke la tšepo le tšebeliso, ka hoo ba lumela hore tšebeliso ena e tla tsoela Basotho molemo ebile e tla matlafatsa litsamaiso tsa temo le phepo.

Motlatsi oa Mongoli e Moholo oa Lekala la Temo, 'Malereko Molefi le eena o thabisitsoe ke sena, kaha lefatše le se le ntse le tloha tabeng ea temo feela ho ea ho e matlafatseng. A re lefatše le se le tloha temong

ea khale, ha e sa le taba feela ea ho lema kapa ho holisa liphoofole, empa ke taba ea ho fetola tsamaiso eohle ho tloha tlhahisong ho isa khoebong le phepong.

A re morero ona o tla thusa ho felisa tlala, ho ntlafatsa boiphihlelo le ho matlafatsa Basotho ka litsebo tse tla thusa ho ntlafatsa bophelo. A bontša ha moreo ona o reretsoe ho fana ka litholoana tse tsoarellang; kaha o matlafatsa lihoai ho ba bahlahisi ba mehopolo e mecha, bacha ho theha mesebetsi le sechaba ho ba le boipuso.

Letona la Machabeng, Mohlomphehi Lejone Mpotjoane o itse hona ke sesupo sa hore likamano ke tse mofuthu lipakeng tsa Lesotho le FAO.

Mookameli Kakaretso oa FAO, Dr. Qu Dongyu o thoholelitse Motlotlehi Letsie III ka boetapele ba hae e le Moetapele oa Afrika oa Phepo e Nepahetseng, 'me a tiisa boitlamo ba FAO ba ho tsoelapele ho tšehetsa Lesotho ho ntlafatsa tsamaiso ea temo le ho phahamisa boleng.

Ba hloka tšehetso

Nthabeleng Seitlheko

E mong oa bahlabolli Kono-soang Ratefane o re malapa a lokela ho ema kathata ho tšehetsa ba malapa a bona ba tlas'a khatello ea tšebeliso ea lithetefatsi. Tsena li hlalelletse puisanong le Koranta ka la 15 Mphalane monongoaha.

O re ho ipolaea le khatello ea maikutlo ho jele setsi har'a bacha, ka hoo o kopa malapa a ts'ehetse bana ba bona e le ho thusa ho laola le hona ho theola sekahla sa bacha ba bangata le banna ba ipolaeang ka lebaka la khatello ea maikutlo e tlišoang ke tlhokahalo ea mesebetsi.

A re lebaka le leng leo bacha ba ipolaeang ka lona ntle le tlhokahalo ea mesebetsi, ke litebello tse phahameng tseo batsoali ba nang le tsona ho bona ba lebetse hore ha ba sebetse, ka hona ba ka sitoa ho phethahatsa lithoko tsa bona.

A re lehlakoreng la banna teng ba ipolaea hobane ba sa sebetse, 'me e le bona ba lebelletsoeng ho bona hore malapa a phela. O itse motho o qala eka o na le bothata ba kelello, e be bo ntse bo tota ho fihlella moo a qetellang a ba le menahano ea ho ipolaea, 'me e mong a be a qetelle a phethahalitse taba ena. O hlalositse hore hangata batho ba fumanoa ba se ba nkile qeto tsa ho ipolaea ba sa bolele, ka lebaka la ho tšaba hore na batho ba tla re'ng.

A re malapa a tlameha ho tšehetsa litho tsa oona tse

sebelisang lithetefatsi, hape ba ele hloko liphetoho tse teng boitsoarong ba batho ba joalo, e le hore ba tle ba tsebe ho ba thusa kapele. O re motho h'a le tlasa khatello ea lithetefatsi o lokela a fumane tšehetso ho batho ba haufinyane le eena.

O re lebaka le leng leo a ipiletsang ho malapa ho tšehetsa batho ba joalo ke hobane oona malapa a ameha hampe ha litho tsa oona li se li ipolaile, kaha li ba siea ka likelellong tse sa tsitsang hantle.

A re bacha ba lokela ho itseba hore ba bohlokoa malapeng a bona, esita le sechabeng ka kakaretso, 'me a re ba sebetse ho bona hore ba ntlafatsa bophelo ba bona ho e-na le ho ba le mehopolo ea ho ipolaea ka lebaka la liqholotso tse ba tobileng.

H'a phethela litaba tsa hae o itse bacha ba lokela ho

shebana le ho ikaha, kaha seo se thusa hore motho leha liqholotso li le teng a se ke a ameha hampe.

Mothehi oa Mokhatlo oa ADAAL, Mphonyane Mofokeng o tiisitse hore ho na le monyetla o moholo lipakeng tsa tšebeliso ea lithetefatsi le ho ipolaea. O bontšitse hore basebelisi ba lithetefatsi tse thata ba tobane le qholotso ea ho se itšepe le ho ikutloa ba se bohlokoa.

A hlalosa hore basebelisi ba lithetefatsi tsena ha ba qala ho li sebelisa ba ee ba utloe ba fihletse litoro tsa bophelo hape ba na le matla a mangata. A re nakong eo ba hlaphoheloang ba ipona hore ba ntse ba le kahar'a bothata bo tšoanang ke nakong eo ba batlang hore ba lule ba tahiloe ke tsona e le ho itebatsa mathata a bona.

O hlalositse hore ha motho a ntse a tsoelapele ka bophelo le lithetefatsi tseo ho na le nako eo a tla utloa hore ha a sa na maelo ea tsona, 'me ke nakong eo a utloang hore a ke

ke a tsoelapele ho phela ka tsela eo.

A re ke motsotsong oo motho a fihleloang ke qeto ea ho ipolaea, hobane a bona eka h'a bohlokoa hape a bona eka motho e mong le e mong h'a mo rate, 'moho le ba ratang eka ba mo hloile. O re tšusumetso ea lintho tsena e tsamaea le meea e litšila, e leng eona hape e susumetsang basebelisi ba tsona ho ipolaea, 'me ke moo ba bonang hore ba ka mpa ba ipolaea ho e na le ho phela.

O bontšitse hore bona e le mokhatlo ba nka khato ea ho ruta malapa hore ba tšehetse litho tsa oona tse tlas'a khatello ea tšebeliso ea lithetefatsi. H'a phethela litaba tsa hae, o itse o bone ba bangata ba lokoloha bokhobeng ba tšebeliso ea lithetefatsi ka lebaka la matla a Morena Molimo le bohlabolli boo ba ba etsetsang ka linako tsohle.

Ba keteka tsosoloso Botswana

Nthabeleng Seitlheko

E le ho tsoelapele ho kopanya Basotho ba linaheng tse ling, Morero o shebaneng le Lebone la Tsosoloso (Project RE) o etetse Basotho ba phelang Naheng ea Botswana Tlhareselele, e le ho isa lebone ho bona hore sechaba sena se phelang linaheng tse peli se boelane. Tsena li etshahetse ka la 10 Mphalane monongoaha.

Tšebetso ena e etsoa e le ho fetisa molaetsa oa Motlotlehi Rabasotho oa hore Basotho bohle ba phelang linaheng tse fapakaneng ba boelane, ba ikhopole le hona ho tsosolosa khotso eo Morena Moshoeshe o ileng a re siela eona.

Lebitsong la Motlotlehi, Moemeli oa Lesotho Naheng ea Afrika Boroa, Botswana le Eswatini Ntsime Jafeta o hlalositse hore Lesotho le entse bonnete ba hore Basotho ba phelang naheng eo ba fumana monyetla oa ho keteka lebone la tsosoloso moo ba phelang.

O bontšitse hore hona ke sesupo se hlakileng sa lerato leo Motlotlehi le sechaba sa hae ba nang le lona ho sechaba sa Basotho se phelang Naheng ea Botswana. A re ba tla hopola hore ba kopane beke kamor'a hore Lesotho le keteke letsatsi la boipuso, moo le neng le qeta lilemo tse 59

le ile la fumana boipuso ho tosa ho Manyesemane.

O itse lebone leo le hlalositse nakong eo Basotho ba neng ba keteka lilemo tse 200 Morena Moshoeshe I a ne a kopanye merabe e fapakaneng ho bopa sechaba sa Basotho. A re lebone lena le tšoea qaleho ea leeto le lecha kamor'a ho qeta lilemo tseo, 'me le khotaletsa tsoalo bocha le boitekolo ba sechaba ka hoo le reretsoe ho kenya moea oa kopano, kutloano le bonngoe hohle moo Basotho ba phelang teng.

A re Basotho ba lokela ho hetla morao e leng metheong ea baholo ba rona, re tsamaee ka litšiea tseo Moshoeshe a ileng a re siela tsona hobane leeto la bophelo le bile le liqholotso. A bontša hore lebone lena le tla tsosolosa le ho tiisa likamano tsa linaha tse peli tseo esaleng li e-ba mofuthu ka lilemo tse ngata haholo. A supa hore li kopanngoa ke lintho tse ngata ho kenyeletsa moetlo oo li khetholloang ka oona linaheng tse ling le puo e manoni.

Morena oa Basotho ba phelang Tlhareselele, Morena Paul Letshikhoana o supile hore mokete ona o ngola nalane, kaha taba e tjena e qala ho etsahala ea ho kopanya Basotho hohle lefatšeng.

O tiisitse hore Basotho ba Tlhareselele ba tla qalella ho keteka moetlo selemo le selemo ka khoeli ena, ba fetole khoeli eo ba neng ba tloaetse ho keteka moetlo oa bona ka eona.

A re Naha ea Botswana e ba amohetse ka mofuthu naheng ea bona ka hore ba bile ba fa baahi ba Tlhareselele Morena oa Mosotho, eo a tla tseba ho busa sechaba sa setso se tšoanang le sa bona.

Morena Letshikhoana o lebohile Motlotlehi ka ho ba hopola hore ba kopane e le Basotho, ho hopola khotso eo ba thehiloeng ka eona, ho keteka letsatsi leo kaha ba tla kopana le ho tsebana, esita le hona ho tiisa setsoalle sa bona e le sechaba sa Morena Moshoeshe.

A re kamor'a ketelo ea lebone la tsosoloso, Botswana ba neng ba sa elelloe Basotho ba phelang naheng ea bona, ba tla qala ho tseba hore ba teng ho pharalla le naha eo, eseng Tlhareselele feela.

A re labone leo le tla bonesetsa meloko ea hajoale ho fetela melokong e hlhlamang le ntse le hopola, 'me o lakatsa hore ebe

setsoalle sena ha se felle mona, empa ba tsoelepele ho etelana selemo le selemo kaha seo se tla thusa ho tsoellisa pele khotso ea sechaba.

Mookameli e Moholo oa Morero ona, Solly Mofoka o hlalositse hore ke moifo o romiloeng ke Motlotlehi ho etsa tšebetso ea ho hokahanya Basotho. O re tsosoloso ena e ngola nalane e ncha ea boikhopolo, ho tsosolosa bonngoe hohle moo Basotho ba phelang le maqhama a setsoalle linaheng tse amehang.

A re lebone le fihla Botswana kamor'a likhoeli li se kae, Presidente ea bona e ile ea etela Lesotho, 'me sena se bontša boikemisetsa ba naha tsena tse peli ho bopa khotso ea moshoelella le ho tiisa maqhama a setsoalle.

O itse linaha tsena tse peli li ile tsa ameha lintoeng tsa lifaqane, 'me kamor'a tsona esale li laba-labela ho phela

ka khotso le bonngoe ho se khethollo ea letho.

O netefalitsa hore lebone la tsosoloso le tliš'o namela Afrika eohle, kaha Basotho ba pharalletse kahare ho eona ka hoo hoa lokeleha hore le bona ba fumane molaetsa oa Motlotlehi.

O tsoetsepele hore lebone lena ha le'a etela Basotho feela, empa le Botswana ka kotloloho kaha e le karolo ea sechaba sa Basotho ka liboko tsa bona ho fapakana tse tšoanang le tsa Basotho.

E mong oa baahi ba Tlhareselele, Matjato Motseko o itse ba motlotlo hore ebe Motlotlehi o hlalositse lebone lena kaha le bolela ntho e kholo ho bona e le Basotho ba phelang kantle ho Lesotho. A re takatso ea bona ke hore lebone e be sehopotso sa selemo le selemo ho bona e le Basotho ba phelang Tlokweng, Nata le Tlhareselele 'me le ngoloe ka molao alemanakeng ea bona.



Mazenod Tailoring
Preparing good People for the Lord
tailoring@mazenodprinting.co.ls
22 350 224
+266 50757585

**Transforming your image
is our Passion**

Readily available



Likoloi tsa motlakase li tl’o lefa

Nthabeleng Seitlheko

Mokhatlo oa Tokiso ea Litsela, Hloahloeng e ka Boroa ho Afrika o khokhohanya puo, ‘me o

mebileng joaloka tse ling. A re sena se lokela ho etsahala hore litsela li se ke tsa ahoa hangata, hape o thabetse boiphihlelo boo ba nang le bona litabeng tse ‘maloa tsa tokiso ea litsela le marokho. “Litsela ke tsa rona bohle, ka hoo bohle

ho se tsamaise mehoma ka tseleng hobane hoo ho senya tsela e teng, ho etsa hore ba sitoe ho pharalatsa marang-rang a litsela hobane ba tapata-sebakeng se le seng. Ho sale joalo Mookameli oa Mokhatlo oa

qholotso e ‘ngoe e le e tlišoang ke phetoho ea boemo ba leholimo moo litsela li senyehang ka lebaka la metsi, ho hefooa le maholiotsoana. O re ba tl’o thakelana ka malebela le ho tla ka mekhoe e mecha e tla ba thusa ho arabela tlhoko

litsela, ‘me ba se ba atlehile ho aha litsela tse itšereletsang khahlanong le boemo bona. O itse kopano ena e bohlokoa hobane ke ho hetla morao mesebetsi eo ba seng ba e fihletse le ho ntlafatsa moo ho lokelang. Seboka sena se latela



thakelana ka malebela a maoa a macha a tla sebelisoa ho bokella khafa ea likoloi tsa motlakase, hobane khafa e bokelloang e ne e hlaha mafureng a likoloi e le eona e ka sebelisoang tokisong ea litsela.

Puisanong le Koranta Mookameli oa Road Fund Lesotho, ‘Matšepang Sekhokoane o hlalositse hore ba boetse ba tl’o sheba mekhoe e mecha e tla thusa hore ho etsa litsela tse tla itšereletsa khahlanong le phetoho ea boemo ba leholimo, ho laoloa metsi ka litsela tse nepahetseng hore litsela e be tsa boleng.

“Batho ba lokela ho etsa likhoebo thoko ho litsela ho thusa hore lintlafatso li etsoe ha bonolo.” O boletse joalo.

O re ba lokela ho sebet-sa ka matla ho bona hore likoloi tsa motlakase le tsona li lefe lekhetho hore ho tle ho lokisoa litsela kaha le tsona li tsamaea



ba nke boikarabello ka polokeho ea tsona le bohloeki hore li se ke tsa senyeha.” A rialo. O phethetse ka ho ipiletsa ho sechaba ho boloka matšoa a tsela,

SADC, Stewart Malata o itse ba tobane le qholotso e kholo ea tlhokahalo ea lisebelisoa le ea chelete sebakeng sa tokiso e bonolo ea litsela. A tsoelapele hore ha

ena kaha e le qholotso e tšametseng linaha tsa Afrika. O re ho fihlela ha joale linaha tsa SADC li sebet-sa ka matla ho sebet-sana le marang-rang a

ketekelo ea lilemo tse 30 setsi se thehiloe, ho bile ha nehelanoa ka Lekhotla le tsamaeang ho Sekolo sa Seholo sa Sechaba (NUL) Lefapheng la Molao.






Across

- 3 Linama tse sehoang likarolong tsohle tsa nama ea khomo e hlabisang bohali. (7)
- 6 Serobe (Nyenye-fatso). (9)
- 8 Ketso ea ho thibela moroetsana ho ba le mathata h'a ea linakong. Moroetsana o isitsoe (9)
- 10 Lijo tse jelloang seotlong moo ho nts'o pola lijo-thollo. (11)
- 13 Ngoan'a ntja (9)
- 14 Motho ea feto-fetohang kapa ea ka koenehelang litaba tsa hae. (4-9)

Down

- 1 Oa nteka-tekane oa maka oa leshano. (7-6)
- 2 Tlala ea boja-likata. (8)
- 4 Mphalane ea phala tsa (7)
- 5 Mal'a kolobe. (6-4)
- 7 Motho ea tsamaeang a le mong. (6-4)
- 9 Metoa e ka bonahalang 'meleng oa motho, e kentsoeng meriana. (8)

- 11 Tsatsing leo ngoanana a qalang ho ithaleha, o ne a lokela ho iloloa. Ke hore a 'me lithaka li potisoa letheke la hae li nt'o sesetsoa ka sehlare. (7)
- 12 Manamane. (6)





TSA KEREKE

Le lule le Kriste kamehla-Babishopo



Tšeliso Thakholi

Babishopo ba litikoloho tsa Xai Xai le Benguala ba entse tlhokomeliso ho badiakone ba bahlano, ba neng ba hloesetsoa mokhahlelong oa Boprista bo Halalelang, ho lula le Morena Jesu Kriste kamehla le ho aha likamano tse matla le eena. Ba e entse moketeng oa peho ea bona o ileng oa qala ka Sehlabelo se Halalelang sa 'Missa Kerekeng ea St. John the Baptist Naheng ea Angola le Parishing ea St Francis oa Assisi naheng eo ka la 13 Mphalane 2025.

Mobishopo oa Tikoloho ea Xai Xai Naheng ea Angola, Mohlomphehi Lucio Andrice Muandula khotatsong ea hae o ipilelitse ho baprista ba bacha ho phetha kamehla thomo ea bona ea boprista ba kopane le Kriste ka tsela e tebileng le ho holisa likamano tsa ho ba le eena ka Sehlabelo se Halalelang sa 'Missa, seo e leng motheo oa tsebeletso ea thomo ea bona.

A ba kopa ho qoba liphepetso tseo ba tlang ho kopana le tsona tse kang tsa boitseko le ho fenyha kamehla moleko o moholo o bonahalang o imela ba-

prista ba bangata matsatsing ana oa ho phela thomo ea bona ea boprista ka ho icheba bo-bona, ba sa tsotelle mohlape oo Morena Molimo a ba romiloeng ho ona.

A re pitso ea pele ea moprista ke ho ba le Kriste kamehla le ho aha likamano tse haufi-ufi le eena ka thapelo ea Sehlabelo se Halalelang sa 'Missa, e le hore ba lule ba phatlalatsa molaetsa o molemo. A re mosebetsi oa bona o qala aletareng empa ha o felle moo hobane ho ba moprista ke boteng bo phelang ba Morena Jesu Kriste lefatšeng ka ho ba 'mele o fanoeng le mali a ileng a tšoloha molemong oa pholoho ea ba bangata.

A ba hlokomelisa hore moprista ea tla hloleha ho lula haufi le Jesu Kriste ka linako tsohle o tlokotsing e kholo ea ho lahlehelo ke mohloli oa bohlokoa oa pitso ea hae. "Joaloka Judase Iskariota, moprista a ka ba haufi le Jesu Kriste empa pelo ea hae e sa kopane le Kriste ho hang. Ka hona moprista oa 'nete ke ea amohelang merero eo Kriste a e rerileng ka bophelo ba hae leha sena se hloka sehlabelo le boinehelo bo felletseng ba hae." A rialo.

A boela a ba hlokomelisa hore ho kotsi haholo ka nako e 'ngoe ho kena

thomong ea bona ntle le ho mamela matla a Moea o Halalelang. "Ntle le ona re tla sitoa ho sebeletsa Morena Molimo kantle ho thato ea hae." O boletse joalo a bile a ba kopa ho noesetsa kamehla thomo ea bona nakong ea litsebeletso tsa Sehlabelo se Halalelang sa 'Missa.

"Jesu Kriste h'a ka a theha Boprista bo Halalelang hore ebe bona bo sebeletsoang empa e be bosebetsi ba sechaba sa Morena Molimo." O boletse joalo a bile a phethela ka hore thapelo ea letsatsi ka leng haholo-holo ea Sehlabelo sa 'Missa ke moo moprista a ithutang mamelo le temoho ho ba ntle le thomo ea Kriste ha ho thomo ea 'nete.

Haele Mobishopo oa Tikoloho ea Benguala Naheng ea Angola, Mohlomphehi Antonio Francisco Jaca o ile a hlokomelisa baprista ba bacha hore boprista ke mpho le mohau oa thomo ea boinehelo bo feletseng ho sechaba sa Morena Molimo bo etsoang ka thabo le boinehelo. A ipiletsa ho bona hore mpho ena ea boprista eo Morena Molimo a ba fileng eona, 'me ba e amohela ka peho ea matsoho ba lokela ho e nchafatsa ka tlhohonolofatso le teboho.

-ACI Afrika-

2024-2025 SELEMO C

SONTAHA SA 29 HAR'A SELEMO



Exoda 17:8-13
Pesalema 120
2 Timothi 3:14-4:2
Luka 18:1-8



Khothatso

Molimo o tla u araba

Sontaheng sena Kereke e re ruta phehello thapelong le ho tšepahala ha Molimo, kaha lipalo tsa kajeno li fana ka manoni boinahanong ba tumelo, thapelo le likamano tsa rona le Morena. Evangeli ke eona e rutang hantle ka taba ena; mohlolohali ea sa kang a lesa moahloli. Morena Jesu mona o ruta barutuo ba hae ho se lahle tšepo; empa ho phehella thapelong. Pale eo e bontša phehello ea mohlolohali hofihlela moahloli a mo araba; sena ke papiso ea likamano tsa rona le Morena Molimo, ho khothaletsoa ho boloka tumelo le ho se khathale matla ha re rapela.

Thuto ea Pele ho tsoa Bukeng ea Exoda e bua ka nto ea Israele le Amalek, moo le bonang bohlokoa ba ha matsoho a Moshe a phahame. Karolo ena ea Mangolo a Halalelang e le ruta tumelo, boetapele le ho thusana. Moshe o laela Joshua ho etellapele ntoa pele ha eena a hloella lefikeng ho ea rapela. Nakong eo Moshe a phahamisitseng matsoho Israele e ne e hlola, ebe e'a hloloa h'a oela. Aarone le Hur ba ile ba tšoa matsoho a Moshe hore a lule a phahame, e leng se thusitseng Israele ho hlola. Ketso ena ea bona e bontša hore letšoele le beta; ha batho ba thusana ba ka fihlela tse kholo.

Lengolo la Bobeli ho Timothi lona le bontša keletso ea Paulosi ho Timothi; le pakahatsa bohlokoa ba Mangolo a Halalelang le ho a arolelana. Karolo ena e bohlokoa kaha e thusa ho bontša bohlokoa ba Bibelet mehleng eo le kajeno. Mangolo a Paulosi ho Timothi a bontša hore ba ne ba e-na le likamano tse tebileng haholo, tse ileng tsa thusa ho bopa tataiso ea moea e tebileng. 'Me eona ea e-ba bohlokoa haholo phethisong ea tumelo melekong e tlang. Paulosi h'a bua le Bakriste ba kajeno o toboketsa bohlokoa ba Mangolo bophelong ba mokriste ka mong, kaha lengolo lena le thusa hore na le lokela ho phela tumelo ea lona joang.

Joale pale ea mohlolohali ea sa phetseng ho latella moahloli eona e re ruta ho se tlohele ho rapela; ho eona re bona bohlokoa ba thapelo le tumelo. Kriste o qetella pale ka ho botsa hore na Molimo Ntate h'a na ho araba ba mo rapelang nyene le bosiu. Potso ena e bontša hore Ntate o mamela nako eohle, 'me Kriste o re o tla araba kapele leha rona re sa bone. Morena Jesu o hlokomelisa balateli ba hae ho rapela ntle le ho lahla tšepo; 'me sena se re hopotsa ho rapela leha maemo a le thata: mohlomong lithapelo tsa rona li sa arabeloe.

Ha re sheba mangolo ana a kajeno kaofela re hlokomela ntlha ea bohlokoa haholo Thutong ea Pele, e leng ho kopanela mathata a bophelo. Hoja Aarone le Hur ha ba ka ba etsa bonnete ba hore matsoho a Moshe a lule a eme, sechaba sa Israele se ka be se lotsoe ntoeng. Taba ena e bontša bohlokoa ba ho tšehatsana ha bakriste leetong lena la tumelo. Lipalo tse na li boetse hape li bontša bohlokoa ba ho phehella thapelong le karabelo ea Morena Molimo tumelong ea rona.

Joaloka bakriste re tlamehile ho tšehatsana bophelong e ka ba ba nama kapa ba moea, hobane 'Mopi h'a re bopa re le bangata re bile re sa tšoane hobane a sa tsebe seo a se etsang. O ne a e-na le morero o tebileng, ka hona ho se tsamae tseleng eo ke ho mo latola kapa hona ho nyelisa kelello ea hae. Kholo ea rona ea tumelo e tla nona ha feela re tsamaisana leeto lena 'moho. Ebile Morena o tla hlohonolofatsa bohle ba phelisanang ka khotso le baahisane 'moho le bona.

Le se le tsebile matla a ho phehella thapelong; ho matlafatsa le ho holisa tumelo. Hape le ithutile hore lefu la noha ke ho tsamaea e le 'ngoe. Ak'u pheleng ka makhabane ana, e se feela ho khahlisa Morena empa hoo ho tla le thusa ho ba le khotso le likamano tse ntle lipakeng tsa lona. Batho ba thusanang ke hobane ba e-na le lerato; leo e leng lona ntho ea bohlokoa bophelong ba mokriste.

Bahalaleli har'a Beke

20	Mphalane	Acca
21	Mphalane	Hilarion
22	Mphalane	Mopapa John Paul II
23	Mphalane	Oda
24	Mphalane	Joseph Thi
25	Mphalane	Daria

Raliphatlatso e mocha o teng



matsoho lihlopheng tsa Liki e Kholo e leng FC Likhopo le Sandawana.

O ile a thusa ho tsebahatsa lihlopha tsena ka ho holisa le ho ntlafatsa botšehetsi ba tsona le ho li fumanela bafani ba tlang ho li tšehetsa sebakeng sa lipapali tsa Liki, ho lefa libapali le ho etsa mesebetsi e mengata ea lihlopha. Phasumane o ile a siea lihlopha tsena ea e-ba phala ea sehlopha sa Bantu, moo a ileng a sebetse teng nako e telele ho fihlela ka selemo sa 2022 a furalla Bantu a leba sehlopheng sa Linare 'Tse Tala' tsa Leribe. Kajeno o amohetsoe ka liatla tse mofuthu sehlopheng sa Lioli.

Phasumane o kena kahare ho sehlopha sa Lioli nakong eo sehlopha se ntseng se ipabola haholo ka ho hahara mehope le Liki makhetlo a mararo a latellanang. Hajoale o tsoarahane le mosebetsi o matla oa ho tla rokela pitsi ea habo nakong eo e tobaneng le papali e boima ea bona le Matlama, e tlii'o bapalloa Lebaleng la Bambatha, Maseru mafelong ana a beke. Lioli e sa tsoa sireletsa mehope oa selemo le selemo oa Mountain Cement Charity Cup, nakong eo e neng e hlola Matlama. Na ebe Matlama e tla lumela ho boela e hloloa hape? Ke eo taba mor'a Phasumane!

Liki e qala ka sekhahla

Tšelisothakholi

Ebile thabo le monyaka ka Teya-Teyaneng habo 'Tse Nala' ha botsamaisi ba sehlopha se seholo sa Lioli bo phatlatsoa hore eo e kileng ea e-ba Raliphatlatso(CMM) oa sehlopha sa Bantu le Linare, Monghali Bokang Phasumane 'Ralentsoe le monate' e se e le eena raliphatlatso e mocha oa sehlopha sa Lioli.

Moeletsi oa Basotho o tiiselitsoe litaba tsena ke Ofisi ea Sehlopha sa Lioli hore Phasumane o kene ka ho 'Tse Nala' e le raliphatlatso moo a tlii'o sebetse Lefapheng la Raliphatlatso la Sehlopha, a tsoarisane matsoho 'moho le Kananelo Ramokoatsi ea neng a ntse a tsoere Lefapha leo ha nakoana. Bobeli bona bo tlii'o sebetse 'moho le hoja Ramokoatsi a ikarabella ka kotloloho Lefapheng la Lipapatso le Lithekiso.

Phasumane o nka le-sokoana lena ho Monghali Tankiso 'Basden' Molet-sane ea ileng a itokolla libeke li se kae ho leba sehlopheng sa Lijabatho ea Morija tikolohong ea Makhoarane. Ha se lekhetlo la pele Phasumane a etsa mosebetsi oa mofuta ona, 'me o qalile ho bontša talenta le boiphihlelo bo boholo litabeng tsa ho ba raliphatlatso nakong eo a neng a le lihlopheng tse ileng tsa tuma haholo ka papali ea tsona e tsoileng

Tšelisothakholi

Liki ea Lipapali tsa Bolo ea Mao-to tsa Basali(LWSL), e thakho-hile ka sekhahla se seholo Mabaleng a Mejametalanale Saxophone Thejane TC ka Sontaha sa la 12 Mphalane monongoaha moo teng sehlopha seo e leng bompoli ba Liki; Kick4Life Women se bontšit-seng hore le selemong sena se ntse se batla ho hapa liki ka ho khakhatha le ho tlontlolla Mphaki HS Ladies papaling ea sona ea pele ka phafa ea 7-0.

Ngoahola Kick4Life Women e ile ea hapa liki lekhetlo la pele, e sa hloloa le ke sehlopha se le seng feela. Ka hona e se e le ha e qalile ho roalla le sa sele, ka ho li hula pele lokong ka ho hlaba lintlha tse ngata ho feta lihlopha tse ling, ha e'a hlajoa letho, ea akhela lintlha-kholo tse tharo ka mokotleng.

Haele lipapaling tse neng li bapalloa Lebaleng la Mejametalanale, Maseru ke moo Lijabatho Ladies e ileng ea hlaha maemong a bobeli kamor'a ho teteke sehlopha se secha sa Villa Ladies ka thupa ea 6-1, ha bompoli ba mehleng LDF Ladies ba tsoile ka soba la nale ka ho sasara Berea Ladies ka thupa e bohloko ea 1-0. Athe ka mane ka Lebaleng la Saxophone TC Seterekeng sa Leribe ke moo sehlopha se secha liking sa Mawes, se ileng sa makatsa batho ba bangata ha se hlola sa Bokamoso Ladies ka 2-1. Ha papaling ea ho qetela

FC Stoko le LMPS Ladies li ile tsa bapala ka seahlolo sa 2-2.

Leha lipapali tsena li bile matla haholo kaofela ha tsona kaha e 'ngoe le e 'ngoe e ipatla kahare ho lihlopha tse 'ne tse tlang ho ba ka holimo lokong kapa ho hapa liki ha selemo sa lipapali se fihla pheletsong isao, papali e neng e hlile e behiloe leihlo le nchocho hore na e tla fihlela pheletsong joang ke e bileng lipakeng tsa LDF Ladies le Berea Ladies. Papali ena ha ho oa ka ha eba bobebe haholo ho LDF Ladies ho hlola sehlopha sa Berea Ladies kaha se fetohile haholo ha se bapisoa le ngoahola.

Berea Ladies e na le libapali tse ncha tse kotsi haholo ho tsoa Liking e Kholo le tse ntseng li thuthuha. E

boetse hape karolo e kholo ea libapali tsa eona e bapalla Sehlopha sa Naha sa Mehalalitoe, sena se bolela hore boholo ba libapali tsa sona bo na le boiphihlelo papaling ea bolo ea maoto. Ka hona lihlopha tse tlii'o kopana le sona li lokela ho ikatela. Ka lehlakoreng le leng LDF Ladies le eona e batla ho khutlela maemong a eona a pele ao e neng e tsejoa ona.

Liki ea monongoaha e tlii'o ba boima haholo ho feta ea lilemo tsohle, 'me lihlopha tse sa ikatelang hantle li tla kopana le pela li falla. LDF Ladies kaha e ne e le papali ea eona ea pele ea Liki, e ne e bapala hantle empa ho bonahala mokoetlisi a e-s'o fihlise libapali tsa hae boemong boo a hlileng a batlang hore li be ho ona, empa e

bile papali e ntle haholo. Leha ho le joalo, tahlehele ea libapali tse nang le boiphihlelo joaloka Phuzile Molefe le ba bang e ile ea bonahala e batla e mo bakela mathata kaha a koetse likheo tsa ba tsamaileng ka libapali tse ntse li batlang li le ncha.

Ka lehlakoreng le leng Liki ea Basali ea Maseru Region V First League e tlii'o bapala lipapali tsa bobeli tsa Mokhahlelo oa Pele mafelong ana a beke, moo LUFA 'Rise as One,' e seng e ikanne hore e ke ke ea hlola e theoha maemong a eona a pele lokong, e tlang ho koebana le sehlopha sa Rural Stars Ladies Lebaleng la Lehonyeling tikolohong ea Mazenod ka la 18 Mphalane 2025. E na e tlii'o ba papali e matla haholo kaha lihlopha ka bobeli li le kotsi haholo e bile li ipabola ka papali e tsoileng matsoho.



Leeto le fihla pheletsong

Tšeliso Thakholi

Leeto la Sehlopha sa Naha Likuena la ho phunyeletsa ho ea lipapaling tsa Mohope oa Lefatše isao, le fihlile pheletsong ka ho shapuo ke Super Eagles ea Nigeria ka 2-1 le ho hlola The Warriors ea Zimbabwe ka 1-0 ka tatellano lipapaling tsa ho qetela tsa Mokhahlelo oa C tse bileng Leb-aleng la New Peter Mokaba, Afrika Boroa ka la 10 le la 13 Mphalane 2025.

Tebello e kholo ea barati le batšehetsi ba bolo ea maoto e ne e le hore Likuena e hape lipapali tsena tse setseng, e le hore e tle ebe le monyetla oa ho ba boemong ba bobeli kapa ba pele, empa ka bomalimabe e ile ea poloa ke Nigeria 2-1 ka ntlha ea pele e ileng ea hlajoa ke mohlankana ea kotsi oa Super Eagles e leng William Troost-Ekong, e le mokoko karolong ea bobeli ea papali.

Kamor'a nako e se kae Akor Adams a khokhothela sepekere sa ho qetela ea eba 2-0, empa ka lehloho-nolo la Moteaphala Likuena



e ile ea fumana matseliso a ho hlaba ntlha e le 'ngoe ka leoto la Hlompho 'Stigga' Kalake eaba papali e fela e le 2-1. Ka mokhoa o tšoanang papaling ea bobeli khahlanong le Zimbabwe e bile Stigga Kalake ea ileng a hlabela Likuena ntlha ea tlhoho.

Sephetho sena se behile Likuena ka moo thakali e fatelang kaha e hlotsoe ho phunyeletsa Mokhahlelong oa C moo e neng e pannoe le Afrika Boroa, Nigeria, Rwanda, Zimbabwe le Benin, 'me Benin, Afrika Boroa le Nigeria ke tsona tse seng li tseka maemo a pele le a bobeli eba e tla hlaha maemong a pele e kena ka kotloholo lihlopheng tse 10 tsa Afrika tse tlang ho bapala lipapali tsa Mohope oa Lefatše.

Athe e tla hlaha maemong a bobeli ho tla khethoa tse 'ne tse qetelletseng li le maemong a bobeli mekhahlelong e robong ea lihlopha tsa Afrika, e le tsona tse bapatseng hantle ebe li bapala li-playoff. E tla hlola e tla tlatselletsa tse robong tse hlahileng maemong a pele mokhahlelong ka mong, eba lihlopha tsa Afrika tse il'o bapala Mohope oa Lefatše li ba 10.

Likuena e kenetse litlholisanano tsena makhethlo a mangata empa ha e-s'o atlehe ho phunyeletsa ho ea lipapaling tsa Mohope

oa Lefatše, 'me hajoale e bapetse lipapali tse 10 ea hlatsoa jesi e bokelelitse lintlha-kholo tse 12. Likuena e boemong ba bone Mokhahlelong oa C, 'me sena se e file monyetla feela oa hore isao ha e tla be e kenetse lipapali tsa AFCON, e tle e fetele ka kotloholo moo e tlang ho panao le lihlopha mekhahlelong e fapakaneng, e se e sa qale maemong a lipapali tsa mathomo.

Hajoale linaha tsa Afrika tse seng li atlehile ho kene-la lipapali tsa Mohope oa Lefatše li tšeletse e leng Morocco, Tunisia, Egypt, Algeria, Ghana le Cape Verde 'me ho setse le 'ne tse tlang ho hlahella hang ha li phethetse lipapali tsa tsona bekeng ena.

Ho sa le joalo tse seng li bapetse sephetho se eme tjena: Sao Tome 1-0 Malawi, South Sudan 0-0 Togo, Equatorial Guinea 1-1 Liberia, Cameroon 0-0, Mauritius 0-0 Libya, Angola, Blue Sharks ea Cape Verde 3-0 Eswatini le Tunisia 3-0 Namibia e le hae eona le Cape Verde li kena ka kotloholo lipapaling tsa Mohope oa Lefatše.

Botsamaisi bo fihlela tharollo

Tšeliso Thakholi

Kamor'a hore President ea Sehlopha sa Bolo ea Maoto sa Swallows, Monghali Nkhahle Nkhahle a bontše ho se khotsofale ke boitsoaro bo ileng ba etsoa ke libapali ba ho iketsetsa qeto ea ho behella bakoetlisi ka thoko, papaling ea bona le Qoaling Highlanders, Mazenod mafelong a beke a tsoa feta, o ile a bitsetsa libapali le bakoetlisi phuthehong e potlakileng ka la 14 Mphalane monongoaha ho leka ho tliša maemo taolong.

Har'a tse ling tse ngata tseo libapali li neng li hlile li lla ka tsona ke tsoaro e seng ntle eo ba reng ba e etsoa ke bakoetlisi, e kang ea ho ba omanya le ho ba halefela ka linako tsohle ha ba entse liphoso nakong ea boikoetliso le ho khetha libapali ka tsela e sa khotsofatseng ha ba itokisetse ho ea e hlanaka le lihlopha tse ling lipapaling tsa bona tsa liki.

Nkhahle o boleletse motlalehi oa Moeletsi oa Basotho hore phuthehong eo ba bileng le eona le mahlakore

a neng a se a sa shebele litaba 'moho, e bile e atlehileng haholo kaha bohle ba tsoile ka phuthehong khotso e le teng, 'me litaba tsohle li khutletse setloaeling ka ho fihlela litharollo tsa moshoelella.

O re leha ba khotsofalitsoe haholo ke tšebetso e tsoileng matsoho ea bahlankana ea ho hapa papali ea bona le Qoaling Highlanders, bosieong ba bakoetlisi empa boitsoaro ba mofuta o joalo ha se bo amohelehang ho hang kahare ho sehlopha sa Swallows. "Ba lokela ho tseba hore ho hapa papali eo ha se hobane e le lona lebaka la bosieo ba bakoetlisi kaha e le bona ba ntseng ba kentse letsoho le toma hore ebe ba qetelletse ba e hlotse." A rialo a bile a bontša hore ha litaba li le teng tseo e bang ha li ba khotsofatse lipuisano tsa khotso tse nang le hlompheo kahare ke tsona tharollo.

A re sehlopha se seholo joaloka Swallows se na le tsamaiso e hlakileng eo bohle ba lokelang ho e hlomphe, molemong oa kholo le katleho ea sona. A re kamor'a lipuisano tsena

tse atlehileng haholo tsa khalemo, ba tla pheta litaba tsena tse thunthetsang seriti le tlhompheho ea sehlopha ba tla nkeloa likhato tse boima.

Ka thoko ho mona, a bontša hore leha sehlopha se bonahala se qalile liki ka tsela e khothatsang haholo qholotso eo ba tobaneng le eona ke ea bafani, ba ka tsebang ho thusa sehlopha ho fihlela e meng ea merero ea sona e meholo e kang ea ho thusa sehlopha ka tšehetso ea lichelete ho

se tsamaisa le ho boela se khutlela maemong a sona a pele a ho ba lihlopheng tse kholo tsa Premier League, ha selemo sena sa lipapali se fihla pheletsong.

A re ke ka botšehetsi ba bahoebi ba tikoloho ea Mazenod le mathoko esita le batho bohle ba boithatelo bo botle ba ka tsebang ho fihlela merero ea bona ea ho holisa sehlopha, molemong oa ho tlisa phetoho bophe-long ba bana ba Basotho. A ipiletsa ho bahoebi bohle ho etsa letsoho la monna.

Sehlopha sa Swallows leha se qalile papali ea sona ea pele ea mokhahlelo oa pele oa lipapali tsa Liki ka ho hlola ke Kick4Life Juventude ka 2-1 papaling e neng e bapalloa Old Europa, Maseru ka la 29 Loe-tse monongoaha, lipapaling tsa sona tse peli tse hlahlamang se bapetse hantle, ka ho hlola sehlopha se sa tsoa theohela lihlopheng tsa A Division sa Ace Maseru ka 2-1 le ho poqa Qoaling Highlanders ka phafa ea 3-1 ka tatellano.

